

ADVIS DEFENSIF du Iardin Royal, des Plantes Medecinales à Paris.

E feroit vne tres-grande mérueille, file Iardin Royal des Plantes Medicinales que ie pourfuis eftoit bien receu par vn adueu general de tous les hommes, & que l'œuure de fes parterres ne trouuast du

mespris en leur inesgalité. Quoy qu'il deuance autant en vtilité tous les edifices qui l'ont precedé par le temps que la santé vaut mieux que toutes les richesses; il n'est pas pourtant aysé que tant de sentiments diuers concourrent vnanimement à la recherche de ce qui est iustement louable; les belles & bonnes choses ne sont pas esgalement estimees d'vn chacun; l'enuie, la peste des amés, est trop puissante pour le permettre, principalement en la saison que nous respirons; où le prix & le merite ne sont en leurs sujets que pour sous frir a morsure; mesme de ceux qui veulent passer pour tres-sçauants & sages.

Mais encore que ie ne puisse acquerir la bonne grace detous, suiuant ce dessein; ie ne laisseray pourtant Aduis defensif du Fardin Foyal,

2

d'en continuer la culture, & mes mains pour celane s'apelentiront à son trauail: plustost encouragé par la difficulté, mes forces s'accroistront; des plus rudes labeurs se recueillent les plus riches moissons, & de surmonter les trauerses naist la gloire. Voire quandie serois simol, que de me relascher au descry de ces Larues, ie pourrois estre redressé pour continuer ma routte, connoissant que les vertus ont cela de propre, d'estre cheries des bons, & haïes des vicieux, & quelque eschet que l'on leur donne, de n'estre iamais terrassees. Et puis ayant pour appuy la charité du Roy, & pour but le restablissement des vegetaux en la Medecine; je peux esperer (Dieu benissant mon intention) que malgré ceux qui voudroient empescher le germe des plantes de ce Iardin, qu'il sera bien veu des vertueux, & fleurira au contentement des bonnes ames.

C'est pour produire trois biens au commerce de la vie, que la nonchalance laisse derrière. L'instruction des apprentifs de la Medecine, mesme des plus auancez à sa practique, à la cognoissance des principaux outils de leur Art dés long temps negligez. 2 Que l'Art soit plus sincerement & facilement practiqué. 3 Et que les pauures accablez de la necessité & des lágueurs, y trouvent charitablement secours à leur besoin.

Pour le premier, il n'y a personne qui ne sçache de quelle esperance est la Medecine, & ce que l'on attend de se Prosesseure: l'on ne peut ignorer que l'effect ne respond pas aux promesses, & que cela eschet, parce que les instrumens d'vn Art si digne, sont pour la meilleure part inconneuz ou negligez. Car depuis que les

Arts liberaux & mechaniques ont esté esgalement traictez par des mains mercenaires, plus auides du gain que soigneuses d'illustrer ce qu'elles manioient, & qu'ala mode des anciens Methodics, contre l'opinion du prudent Hypocrates, l'on a estimé l'Art bref, & la vie assez longue pour parfaire dix Cours à l'acquisition de sa Maistrise: le trauail sans gain present a esté mesprisé, tel que l'apprentissage continuel en la recherche des diuers sujets necessaires à l'Augmétation & à la gloire de l'Art. Plusieurs ont pésé, puis que la Medecine se practiquoit tresfacilement, & auec grand profit, pour ses artisans, par peu de plantes: que l'estude du surplus estoit inutil, & que ce n'estoit qu'vne surcharge à leur Doctoralité, voire des Maistres de cette boutique ont osé soustenir que quatre vegetaux, chacun au plus haut degré de l'vne des quatre differentes qualitez, estoiet suffisans pour remedier à toutes les indispositions du corps humain, fondant cette impertinente proposition sur la generale maxime, que les contraires sont gueris par leurs contraires, que les maladies prennent leurs causes pour la plus grande part de l'intemperie: qu'auec ces quatre extresmes contraires l'on peut faire tout temperament,& des medicaments à toutes les infirmitez, que le reste est superflu. Veritablement la pensee en est belle & bien gentille, si elle se pouuoit accommoder à l'experience, & à la nature des choses. Mais elle en est si essongnee, qu'elle paroist plustost vne caprice d'esprit, plus propre à destruire l'Art qu'à le perfectionner. Ce sont voix & paroles enfantees par des cerueaux alterez de trop longue lecture, ou ils s'amusent tant, qu'ils n'ont point d'esAduis defensif du Fardin Royal

gard aux bonnes espreuues desquelles depend la Maiitrise. Ils ne considerent pas, que quelque elegant que puisse estre le discours, & tel chatouillement qu'il puisle donner aux faciles oreilles, que iamais il n'approchera de la douce satisfaction que reçoit vn malade par le remede qu'vne main sagement artiste & guerissante luy applique. Au premier il ne faut que des liures, les efprits cajoleurs butinent aysément de belles fleurs dedas ces parterres, & des fruicts semblables aux pommes croissans sur le bord du lac Asphaltite, belles dessus, & au dedans pleines d'vne legere poussiere, pour lesquels ils pretendent meriter la couronne du laurier Apolinaire. Pour l'autre, il faut de bons effects : aussi la partie qui les donne, circonspecte, vigilante & laborieuse imite le figuier, elle les estalle sans apparat de langage, monstrat toute vertueuse que c'est auec raison que la iudicieuse experience l'emporte de haute lute sur la cajolerie. Mieux vaut vne seule experience(dit Auerrhoes) que plusieurs telles raisons, & qui desnie le sens, merite de bonnes peines sensibles. Toutesfois, comme il est plus aysé de viure à l'ombre & au repos qu'en continuel trauail, aussi y a-til plus grand nombre de ces sçauants conatin. 6. de templatifs, que de laborieux aux mains crasseuses. a Ga-pr. des simples modicaments lien, dont ils se disent enfans, les compare, apres Heraclides Tarentin, aux crieurs publics, lesquels reclamants quelque chose perduë, la remarquent par toutes ses circonstances, quoy qu'ils ne l'ayent oncques veuë, & au-roient de la peine dela connoistre si elle estoit deuant eux. Vrais embaleurs des opinions d'autruy, philosophes par liures, & de sorte sçauans, que s'il leur aduient

des plantes Medecinales à Paris.

de prescrire quelque simple pour estaler leur suffisance, ls de mandent en Hyuer ceux que le seul Esté sournit, i& qui ne se peuuent garder seiches auec leurs vertus, comme la Morelle, le Pourpied, & telles autres; exposant ainsi leur doctrine à la censure des Apotiquaires,

qui s'en mocquent.

C'est pour les oster de ceste raillerie, que ie desire estaller à leurs yeux des plantes de toutes coditions, afin que conuiez à leur deuoir, par vne tant excellente occasion, ils viennent recognoistre ce qui perfectionne l'Art, & le rend recommendable. Ne leur estant plus necessaire d'aller visiter les montagnes, valees, campagnes, bois, prées & marests, pour cette necessaire estude: ils en pourront facilement prendre le loi sir sans crainte des iniures de l'air, ny la perte de leur gain ordinaire. De la sorte l'apprentissage leur sera tant aysé, que s'ils le negligent, auec raison leur en pourra-t-on faire reproche. Non seulement ils rencontreront toutes les plantes que nostre climat pourra naturellement ou par art esleuer, mais encore vn Maistre pour leur monstrer. Personne nes'y peut rendre expert par la seule lecture des liures, pour quelque assidue qu'elle soit, mesme des meilleurs autheurs, ainsi l'asseure "Mathiole, il les faut (dit-il) voir a En sorpi-& reuoii sur le pied, auec vn Maistre entendu & con-mentairede sommé en leur recherche, les contempler & gouster és diuerses saisons de l'an & de leur aage.

Le second s'apperçoit par l'excellence des remedes, de la practique du iourd'huy, lesquels sont escharsemét compris en la saignee, au senné, & en quelque lauement de son, pour toutes maladies: de sorte que faute de meil-

leurs medicaments maintes personnes sont conduites au tombeau : principalement de ceux que l'industrie, auec vn long temps & certaines faisons fournissent, come les eaux distillees, les sucs, les miues, les plantes entieres, les racines, les fleurs, les fruicts, & les semences; sans ceux que la docte curiosité & le soin des bons Maistres y a adioustez, tels que les sels, les essences, les esprits brulans, & les acides. Car des vns la plus grande part des Apotiquaires voyant que la Medecine est reduite à la disette des remedes, en font & gardent si peu, que l'on peut dire que ce sont de pauures boutiques. Pour les autres que les desireux du bien ont trouuez, ils n'en veulent prendre la peine, ou ne les sçauent pas preparer. Pour remede à ce deffaut, l'on les leur tiendra les vns & les autres fidellement accommodez, & toutes les plantes en vsage auec leurs parties, selon le Cathalogue que ie presente, soit vertes en leurs saisons, ou seches en autre constitution, apres auoir esté cueillies en aage & temps conuenables, & ne donnera-ton les vnes pour les autres, esuitant par ce moyen les maux que la paresse &l'ignorance causent, la Medecine sera plus sincerement practiquee.

Quant au troissesme, il est à la veuë de tous, que les pauures artisans, dont les mains à peine leur portent le pain à la bouche, ne peuuent approcher les boutiques des Apotiquaires qu'à leur confusion. Ceux qui en ont esprouué le coust en apprehendent de sorte la rencontre, qu'ils essissent plustost de hazarder leur vie, à la mercy du temps, que d'y chercher des remedes. Les drogues apportees des Indes & des autres parties du monde, sont

de grand prix, telles medecines ne sont que pour les accommodez, & pour ceux qui mangent leur pain gras sous leur figuier, ou à l'ombre de leur olivier, comme parlet les sainctes lettres de l'homme aysé. Il se peut faire que de la cherté de tels medicamets est sortie la pensee de quelques anciens peu charitables, que la Medecine n'estoit que pour les seuls riches : ainsi le fils de perdition disoit que l'ynguent aromatique espanché sur le chef & aux pieds de son Maistre estoit trop precieux pour cet employ. Comme si Dieu auoit moins de soin de son image au sein du mendiant, qu'en celuy que la fortune caresse? Et comme si tant de plantes particulieres à nostre climat & zenit estoiét creées du Tout-puissant & produites par la sage Nature inutilement, ou pour les seuls riches? que les disetteux n'y eussent aucune part, & que l'vsage, s'ils le connoissoient leur en fust interdit par les opulents? Ce ne sont pas les herbes estrãgeres, rares, & de grand coust qui recellet seules les principales vertus pour la guerison, il y en atelle foulee en la voye, mille fois plus efficacieuse, que celle que l'auare Marchand par l'esperance de son gain nous apporte de loin & nous sophistique. Plusieurs paysans le sçauent, & le bien qu'ils conferét de ces domestiques vegetaux aux pauures malades, faict qu'ils ho chent la tefte fur les Medecins, & se rient des Apotiquaires. Sans courir l'vn & l'autre pole, ny visiter l'orient, & sans argent ils trouuent dedans nos campagnes, & fous leurs pieds, des plates esgales en bonté, vertu, & esfects aux plus esficacieuses de ces terres elloignees dont ils secourent l'indigent trauaillé de maladies. Mille infirmitez, comme tignes, Aduis defensif du Fardin Royal

galles, viceres & autres langueurs, que la saleté, la disette, & vn mauuais soin leurs accueillent, y trouuent d'asseurez remedes: Mesme cette maladie tant ordinaire parmy les hommes, la Fiéure, & si inconnue en sa vraye cause, l'achoppement du Medecin luy estant ce que la quadrature du Cercle est au Mathematicien, & l'or-potable au Chimique, y puise plus de remedes qu'és boutiques, ces simples medicaments leur seront enseignez,

& gratuitement donnez.

Que si quelque charitable demandoit, quel secours pouuez vous donner aux pauures malades auec ces simples medicaments? ie luy repartiray, par le sentiment a Nolimede, d'Arnaud de Villeneufue, que qui peut medicamenter de simples remedes, en vain ou par tromperie cherche-tilles conposez. Car tant plus il entre de simples en vn medicamet, & moins est-on certain de son essect. Ce n'est pas que quand la maladie est compliquee, qu'il ne faille vn remede de cette condition; mais il faut que ce soit par discretion & iugement; & puis la plus grande partie des maladies des pauures sont fimples, leur disette ne permet pas que la crapule les leur augmente, & quand elles arriueroient compliquees, l'on leur en peut donner vn bon aduis.

Mais quoy que ces choses soient veritables, & qu'il foir grandement necessaire d'y donner ordre, par l'establissement du Iardin Royal des plantes Medecinales, nos enuieux ne laisseront pas de ietter en auant trois puissantes obiections pour alentir les bonnes volontez de ceux qui approuueront nostre dessein, & diront,

Que la Medecine s'est bien & heureusement practi-

Parab. des medicamens doctrine fesonde. Apleorismeis.a 6 23.

des plantes Medecinales à Paris.

quée dedans Paris depuis plusieurs siecles par de tresdoctes personnages sans vn tel Iardin.

Que les plantes ne sont pas seuls remedes à toutes les indispositions: que les mineraux y ont grande part & y

sont employez auec de tres heureux succés.

Et que quand bien elles y seroient seules vtiles, que pour cela ne se peuuét elles cultiuer icy comme és lieux chauds, ainsi qu'à Montpellier, & que les plus asseurez remedes de cette part viennét des Indes où ils croissent.

Ces obiections sont tres-pressantes; les hastifs se jetteront facilement dedans leur party; parce qu'elles ont vne grande apparence: mais s'ils nous font la grace d'attendre nostre response: je me fay croire qu'ils penserone tout autrement. Car à la premiere j'ay à dire, que si la Medecine auoit esté si excellemment prattiquée dedas Paris, qu'il s'ensuiuroit que ses professeurs seroient exempts de la honte de ce ridicul prouerbe, que les maladies terminées en ique leur font la nique: Et qui a du Bugle & du Sanicle fait au Medecin la nique. Si la Medecine estoit montée au sueil de sa gloire, par la doctrine de ces grands hommes & fans les plantes, tant d'infirmitez estimées de la vulgaire prattique incurables, seroient elles sans remedes? les pourroit-on en bonne cóscience affirmer & voir de bien legeres maladies abandonnées par les plus sçauans de ces classes? Non asseurément elle n'està son dernier periode, ny en preceptes, ny en remedes, quoy que contre le bon sentimét d'Hypocrates, Galien ait eu opinion de l'auoir perfectionnée: quoy que disent encore ceux qui ont les bras croisez aux descouvertes, elle n'a receu sa derniere touche; il y faut le trauail de beaucoup de tres-excellentes mains en la suitte de plusieurs siecles, & mieux cultiuer les plantes que l'on n'a fait pour sournir à sa prattique. Car veritablemet si toutes les plantes de nostre region estoiet conneues & nommées par les vertus dont Dien les a decorées, & que les Medecins les missent en vsage, la Medecine seroit bien envn autre lustre qu'elle n'est pas, & les pauures malades plus fauorablement secourus. Et puis tous les grands Medecins des aages passez & du nostre, n'ont pas tous negligé cette belle estude; s'ils n'ont eu des Iardins Royaux pour fournir facilement à leur louable curiosité, ils n'ont point apprehendéle trauail, laborieux qu'ils ont esté, ils ont cherché par tous les endroicts de la terre, où les a peu conduire la vigueur de leurs aages, les diuers vegetaux dont ils nous ont lailfé les histoires. Tels ont este Mathiole, Fusch, Monard, Lobele, Dodonée, Pena, Valere Corde, Castor Durand, Tragé, Leonicer, Turnicer, De l'Escluse, Gefner, Dalechamp, sans ceux qui n'ont eu le loisir de nous laisser par escript leurs trauaux : comme le feu sieur de la Riviere premier Medecin de Henry le Grand, tresexcellent en cette connoissance: j'ose aussi dire que seu mon pere, que Dieu absolue, n'y estoit point mediocremét entédu, son sçauoir a esté conneu dedans les Cours des Roys & des Princes, & par nobre de ges de bien: au sentimet des plus doctes, il a esté jugé tres-bon Medecin & tres-bon Simpliste. Ainsi les plates ont trouué de rares personnages qui les ont cheries. Ainsi, dis-je, tousjours, la Medecine n'a esté dedans la disette des remedes au milieu de la mesme fertilité de tous les siecles passez, des plantes Medecinales à Paris.

comme elle est ores, elle n'a de tout temps esté renfermée de la doctrine des Ergotismes, ny si mal prattiquée qu'elle est maintenant, que l'on l'exerce à guise des habits, à la mode, & de sorte que l'on peut demander ainsi que cét Italien, le Seigneur tel est-il mort? ouy, at'il pris vn lauement? ouy, a-t'il esté saigné? ouy, a-t'il encore estésaigné de l'autre bras & son lauement reiteré? ouy, a t'il esté saigné du pied droict?ouy, & puis du pied gauche, & pris des juleps par internale? ony, ô bien heureux, il est mort auec la methode de la Mode. Car la saignée est ordonnée de iour à autre, voire du soir au matin, comme les aposemes. La Medecine est bien tout autre chose que cét Artsanguinaire de la mode, elle a bien plus grande estendiië que des clisteres de son, & d'autres preceptes que ces subtilitez pedentesques dont elle est ores obcedée comme d'vn furieux demon. La Nature sur laquelle elle est fondée est bien plus ample que ne la considerent ceux qui la veulent regler au terme de leur fantaisse, & la borner à la mesure de leur capacité. Son Createur l'a douée de tant de merueilles cachées à nostre presumptueuse ignorance, que c'est à nous vne tres-grade temerite de croire en auoir atteint la superficie. C'est pour tant l'erreur que nous commettons; des l'entrée de l'apprentissage, aux premiers & simples rencontres, nous imaginons auoir penetré ses entrailles & tout sçauoir. Mais bon Dieu quelle distance! Ce que nous pretendons comprendre est si petit & chetif au respect de ce qui est caché &inconneu, qu'il n'a aucune proportion, neantmoins nous nous y arrestons, bornant là nostre Maistrise. Bij 12 Aduis defensif du fardin Royal

A la seconde obiection, que les plantes ne sont pas les seuls remedes à toutes les indispositions, que les mineraux y ont tres-grande part, & sont employez auec tres-heureux succes pour la guerison des maladies. Ie reparts qu'encore que tous les ouurages de la Nature soiét objects de medicaments à la Medecine operatiue, qu'elle se serue de Mineraux entrailles de la terre, & des animaux: toutesfois les vegetaux tiennent le premier rang en son vsage; sa prattique a commencé par eux; & les infirmitez ont receula premiere guerison deleurs vertus. Mesme auant qu'elle sust redigée en Art, maintes indispositios ont esté combattuës par leurs proprietez; &comme ils sont les plus anciens aliments de l'homme, ily a de l'apparence que se sentant trauaille de maladies, qu'il a plustost jette son œil, & porte sa main sur les herbes ses familieres, cherchant en elles du secours, que sur les Mineraux que la terre luy receloit dedans son ventre, & que sur les Animaux desquels il n'auoit encore faict essay: au moins le Ciel protecteur de ses mouuemens, luy en pounoit bien donner autant de connoissance qu'au reste des sensibles, veu le besoin qu'il en a, luy qui participe à toutes leurs infirmitez: estant Epileptique auec l'Elan & la Pie: vertigineux, auec le Mouton & le Bouc, souffrant la Squinancie auec le Bœuf: la Fiéure & la palpitation de cœur auc le Cheual & le Lyon, estant encore plus goutteux que tous les animaux salaces, plus graueleux que les oyseaux de proye, plus ladre que le Porc, le Pigeon & le Liéure, voire plus enragé que le Loup & le Chien. Car les brutes qui n'ont pour conduitte qu'vn instinct & vn iugement du sens, s'addressent sans autre instruction, aux Plantes propres

à la cure de leurs maux, & s'en seruent heureusement à leur besoin. Mesmes les hommes ont appris l'vsage de quelqu'vnes d'elles. Les oyseaux de proye tirent volontiers l'Absinte, pour se refaire la mulette; Par eux ce croy-je, les Alemans se sont instruicts de sa valeur; ils en composent vn vin pour prendre à l'entrée du repas, afin d'ayder à la digestion: Les mesmes oyseaux, principalement les Esperuiers, ont donné le nom à l'herbe surnommée de l'Esperuier, parce qu'ils en vsent pour s'esclaircir les yeux. La Belette a fait connoistre que la Ruë est excellente contre les venins. Les Arondelles cherchent la grande Esclaire pour la veuë, on la met en vsage pour mesme effet. Le Serpent se subtilie les yeux par le Fenoüil, reconnu pour oculaire. Le Cerfblessé mangele dictame, duquel on se sert pour les playes. Brefily a tres-peu de bestes qui n'ayent recours à quelques plates pour en tirer du soulagement, & pas vne d'elles n'vse des Mineraux: I'auouë bien que l'homme plus artiste qu'elles, s'en sert; mais pourtant l'Art n'en est ny fi conneu, ny tant certain que des plantes; & puis ce sont sujets tres-esloignez de sa nature; le hazard est plus ordinaire en leurs effets, que la raison; il faut de bons & iudicieux Maistres pour les approcher, preparer, & rendre familiers à la complexion humaine: là où les Vegetaux n'ont besoin de tant d'aparat, des-ja il en tire sa principale & plus saine nourriture, & sans eux difficilement peut-il viure: mesme des plus sascheux & sauua-ges l'Art atrouué les correctifs, & non tousiours des Mineraux, tesmoins les mauuais accidens escheus à ceux qui en ont trop librement & abandonnement vsé. Ie 14 Aduis defensif du Jardin Royal

îçay que plusieurs proposent d'entirer l'oyseau d'Hermes: neantmoins iusques à maintenant personne ne s'est veritablement venté, ny par experience n'a monstré qu'il l'eust rencontré, non pas seulement la tein Aure du Soleil, quoy que leurs liures soient tous plains des receptes de telle ptattique. Et quand il faudroit des Mineraux pour la Medecine: Ie dis qu'vn bon Artiste peut trouuer dedans les plantes ce qui luy fait besoin: Elles sont escloses de la terre, & beaucoup tiennent qu'elles viuent en partie de la resolution des Mineraux. Cela est assez recepuable puis que d'elles on tire des Caustiques meilleurs que ceux des Mineraux; des Esprits acuts vulgairement nommez Eaux-fortes & deseparation; ayant vertu de dissoudre les plus solides Metaux, des sels, des essences ou huilles subtiles, des Baulmes, des Clissus, des. Sangs, & autres œuures qui ne sont pas en la commune prattique, comprenant vne grande partie de ce que les Mineraux nous peuuent fournir, & que je peu monstrer, cela estant de mes trauaux & de mon experience.

A la troissesme, que quand bien les plantes seroient si fort necessaires pour la Medecine: qu'elles ne se peuvet cultiuer icy comme és lieux chauds, ainsi qu'à Montpellier; & que les plus asseurez & esprouuez des vegetaux viennent des Indes où ils croissent. Ie responds que c'est vne tres-grande erreur de croire que nostre terre soit destituee des plantes necessaires à la guerison de ses maladies; c'est asseurément nommer la Nature marastre, & injurier le Ciel en nostre ignorance, de vouloir que tant d'herbes, d'arbres & d'arbrisseaux soient sans vertu: Comme si Dieu en leur creation y auoit oublié

sa benediction, & ne leur auoit donné, ainsi qu'au reste des produicts de la terre, des vertus contre nos maux. Il ne se remarque pas que les fruicts & les semences du Le uant & du Midy nourrissent plus grassement leurs peuples, que celles du Septentrion leurs habitans. La prouidéce Diuine a voulu que chaque region eust dequoy se satisfaire: Et de mesme que les plantes qui nous fournissent nostre pain iournalier sont tresbonnes, & nous nourrissent tres-bien, semblablement celles qui seruent à la Medecine sont esgalement efficacieuses à nos langueurs. Aussi sans aller chercher soubs des paralleles esloignez les drogues, parades des boutiques vsagers en la guerissante, nous les trouuons dedans nos campagnes, au frais de nos eaux, à l'ombre de nos bois, & soubs nos pas, ayant la vertu de la Rubarbe, de l'Aloës, de la Casse, du Senné, & des plus fines espiceries, voire la douceur du Sucre. Le Frangula & la racine de la grosse Patience valent la Rhubarbe, bien practiquee, les effects en sont meilleurs: l'Absinte nous profite autant que l'Aloës, les Prunes & le Nerprun, que la Casse & les Tamarins, l'Empetrum & le Baguenaudier, que le Senné: nous auons encore le grand Titimallaurier, pour le Turbith, & tiens que c'est le vray Turbit : de plus nous auons le blanc & le noir Ellebore, le Concombre sauuage, la Gratiola, le Bois-gentil, le Cabaret, l'Hieble, le Sureau, les Catapuces, les Esules, & nombre d'autres plus propresà combatre les maladies, tant pour euacuer les deux biles & la pituite, que pour purifier le sang, que tout ce que l'vne & l'autre Inde nous peuuent fournir. Pour les espiceries, la graine de Seneué préuaut à corroborer l'e-

stomach, le poyure, elle resiste autant ou plus à la pourriture, elle inscisse & dissipe le gros slegme, pour cela est elle propre aux graueleux; le Pouliot, l'Origan, l'Alliere, & celle qu'on nomme Moutarde, pour son goust approchat de celuy d'vne composition ainsi nommée, sont tres-bonnes pour doner la pointe aux viandes: Qui voudroit meilleure faulce que celle du gros Naueau, tant en vsage chez les Alemans? Ne cultiuons nous pas le Thim, la Marjolaine, le Mastic, le Basilic, les deux Senriettes, le Coc, la Sauge, le Rosmarin, l'Hysope, le Persil & beaucoup d'autres, dont la douce odeur & l'aggreable & piccante saueur donnent sainement le haut goust aux saulces? Le Saffran est meilleur au Gastinois qu'ailseurs; l'Ail, l'Oignon, les Eschalottes & les Ciboules que l'on transporte en si grande quantité en Leuant pour l'estime qu'ils en font plus que des espiceries, monstre assez la bonté de nos plantes. N'auons nous pas aussi pour la delicatesse le Fenouil, l'Anis, la Coriande & le Myrrhis. Pour la douceur du Succre, le Reguelisse la possede: Il y a methode coneue pour faire de son suc des pains gros & grands comme ceux des canes de Madere; sinon si blancs & si delicats, au moins à femblable vsage; les peuples Septentrionnaux auant la profusion du succre, s'en servoiet en leurs delices. Nous sommes tres-asseurez par la raison & par l'espreuue, que nos plantes espicées nous sont plus conuenables & propres que tout ce que les pays chauds nous fournissent, & tiens que ces denrées seruent plus au luxe des oysifs, & au gain du marchand qu'à nostre besoin: Les Cordiaux & Alexitaires ne nous manquet pas aussi: l'Angelique, l'Imperatoire, la Scorzonaire, vont du pair auec le Contra-yeruas & le Zedoar. Les Aristoloches, la Gentiane, la Tormentille, le Scordion, la Roine des prées, le Marrube odorant, l'Aunée, l'Asclepias, l'Arcangelique & tant d'autres, sont tellement excellentes contre les maladies Endimique & Epidimiques, & contre les venins des animaux & des Mineraux que le Leuant & le Ponant auroient de la difficulté à nous en enuoyer de meilleures. Nous auons en nos plantes outre ces proprietez dependantes de toute la substance, de celles qui operent par les premieres & secondes qualitez, eschauffantes, rafraischissantes, desseichantes & humefiantes. Des emoliantes, incrassantes, rarefiantes, astringtentes, attirantes, repoussantes, subtiliantes, relaschantes, condensantes, & autres semblables que nos anciens nous recommandent. Que si nous n'auons les parfums de Sabée & ceux de l'Arabie, nous auons pourtant dequoy contenter nostre fler. Les Roses, les Lis, les Aspics, les Lauandes, la Marjolaine, le Thim, le Mastic, la Mante, la Melisse, le Tilleuil, le Muguet, le Cheure-fueil, le Iassemin, le Souchet, l'Iris, & mille autres, desquels nous pouuons faire de tres-ageables parfums : Le Baulme ne nous defaut pas aussi, nous en auons de tres-bon, le Pin, le Sapin, le Theda, l'Orme, le Geneurier le produisent: nos Mers nous jettent encore l'Ambre gris: de sorte que sans sortir de la France nous auons tout ce qui nous fait besoin. Mesme au beau milieu de son sein sont scituez les hauts monts d'Auuergne, exposez à tous les vents du monde, pour y faire naistre sur leurs belles crouppes de toutes les plantes. Ainsi ce que les autres 18 Aduis defensif du Jardin Royal,

contrées fournissent à leurs nourrissons pour les conseruer en la vie, & en la santé, la France & le terroir Parisien le donne aux siens à suffisance. C'est aussi en vain que de crasses esprits disent que la chaleur n'est icy puissante pour les plantes comme à Montpellier, puis que l'on leur peut repartir que ce lieu n'est pas la matrice de toutes les plantes. Car il n'y a si petit endroict, ny si chetifcoing de prouince, qui n'aye quelque chose de particulier. Il faut chercher le Perfil de montage au petit Tertre nommé le Mont Valerien proche Suresne ; la petite Iacinte Autumnale au bois de Boulongne, non par tout le bois, mais à vn seul endroit, nulle part ailleurs trouuce, elles ne sont à Montpellier: voire j'ose dire que sa situation a plus de peine & moins de rencontre à esleuer les plantes Septentrionnales, que nous les Meridionales, les Palmes ont germéicy, & la canne de Succre y a pris racine, & sçay asseurement que là se cultiuent auec tres-grande difficulté le Mirte Aleman, les Lonchitis & le bulbeux nombril de Venus, & autres en plus grand nombre qu'ils ne nous peuuent fournir des leurs.

Ie penserois auoir assez reparti aux trois obiections ennemies pour fermer ce discours, n'estoit que j'entends encore gronder, que s'il est vray que nos plantes soient essicacieus expeuuent remedier à toutes nos indispositions. Pour quoy faut-il que pour les maladies transplantées parmy nous, & en nostre prouince, l'on aille chercher és estrangeres d'où elles viennent les remedes à leur malice, comme au mal Indien, surnommé de Naples; le Gayac, la Squine & la Salcepareille; &

pourquoy tant de maladies ordinaires & communes demeurent elles sans remedes à la récontre des plus sçauans Herboristes?

Ie responds à la premiere de ces deux attaques: Que si Pambition & Pauarice des hommes ne les eust portez delà les Mers, ils n'eussent rapporté ce fleau de la desbauche, ny necessité les assligez à chercher les moyens d'en adoucir la cruauté, & d'en cobattre le venin. Le mal est estranger, aussi est le remede, & ne voudrois opiniastrement nier en telle occurrence, qu'vneProuince ne peust secourir l'autre, voire és choses ordinaires. Neantmoins contre cette punition du peché, ilse trouue en nos bois &buissons, &parmy nos guerets, des plantes qui bien & iudicieusement employées la combattent & vainquent, (Dieu pardonnant la faulte) comme le Fresne, le Bouïs, · le Geneurier, le Baguenaudier, le Liset picquant, la Sauonaire, la Cuscute, la Fumeterre, le Chardon benit, la Tapsia, & autres desquelles ie sçay s'estre fait de belles cures.

Quant à l'autre attaque; pourquoy tant de maladies ordinaires & communes demeurent sans remedes à la rencontre des meilleurs Herboristes. On peut ce me semble respodre ces deux raisons: que les causes des maladies ne sont pas tousiours bien conneuës, & que ceux qui prosessent maintenant la culture des plantes, s'amufent seulement à les connoistre de nom & de veuë, & non de vertu pour l'vsage: ce qui est assez euident, puis que ceux qui les ont observées, ont tres-heureusement reüssi en leur application quand ils s'en sont servis, comme Pena & la Rivière. Ioint que si cette estude tombe Aduis defensif du Fardin Royal

en la main de la vulgaire prattique, elle n'a garde de récontrer, puis que par elle les moindres infirmitez sont
delaissées pour incurables. On court aux symptomes,
encore qu'ils ne soient pressans; on diuertit quelques
causes prochaines sans les oster; les farouches & esloignées ou antecedentes ne sont pas simplemet touchées,
tesmoin, que les maladies recidiuent ordinairement. Et
puis pour les plus importantes, elle n'a que la saignée &
la purgation en estime; desniant les vertus specifiques
aux Plantes, & les principales proprietez (que tant d'Autheurs ont reconneuës pour veritables & les principales
en l'Art,) comme si l'Art consistoit en ces deux operations.

Que si l'on cherche la cause de ces dessauts l'on trouuera que de mauuaises maximes & diuerses opinions leur ont donné l'entrée, & verisié ce triuial prouerbe: autant de testes autant d'aduis. Prouerbe tres-impertinent en la Medecine, elle qui doit auoir des principes certains, & sondez de raison, dont les aduis doiuent estre semblables, ainsi que la raison en est vne. C'est neantmoins de cette part qu'elle est le plus deschirée, & d'où sont sorties tant d'heresies & de sectes qui l'ont reduitte au mauuais poinct où elle est maintenant. Car aussi bien que les autres choses que le temps saçonne, remue & change, elle a receu & reçoit ses alterations, son commencement & progrés, & encore l'estat auquel elle est à present, tesmoigne ce qui en est. Il ne faut qu'estaler au racourcy ses variables rencontres en la suitte de ces années, ses dissertes sectes & leurs opinions pour le voir.

Les sainctes lettres nous enseignent qu'elle a pris son

commencement du tres-haut, & que Dieu fai & naistre les medicaments de la terre: Mais quoy qu'il l'ait donnée toute parfaite, aucune chose nevenant de cette puissantemain qui ne soit de tellecódition: l'hóme chágeant & pecheur n'a laissé de la desprauer, ainsi que tous les autres biens qui luy ont esté baillez en depost pour son vsage de cette part: & de temps à autre perdant sa premiere lumiere, l'a changée, y introduisant des sectes qui l'ont reduitte aux tenebres où elle est ores enseuelie.

Mais encore que nous sçachions tres asseurement qu'elle vient du Ciel, & que les Egyptiens & les Hebrieux, ce peuple esleu affirment l'auoir eu auant les Grecs, voire auant tous les peuples de la terre, croyant l'auoir receuë de Dieu par les mains de Moyfe: Nous ne pourons pourtant nier qu'elle ne nous vienne prochainement de la Grece, n'ayant aucun memoire que les Druides premiers sages Gaulois nous l'ayét laissee. Pour cela sans nous amuser aux fables qu'elle sut inuentée par le Dieu Apollon qui l'enseigna à son fils Esculape, & celuy-cy à ses deux enfans Machaon & Porlalire: il nous faut aduouër auec nos vieux peres, qu'elle n'a paru en ordre & auec forme d'Art que du temps d'Hypocrates que l'on asseure auoir esté le premier qui l'a tirée du cahos & de son rude estat, luy donnant sa premiere polisfeure. Et de vray nous n'auons point de plus anciens & de plus asseurez aduis que les siens. Aussi a-t'il esté chef de la secte rationnelle, ayant fourny d'armes pour combattre l'Empirique & la Methodique. Car en la changeante face de toutes les choses, la Medecine a esté divifée entrois sectes principales qui l'ont maniée à leur gui-

Les Empirics semblent auoir pris pour fondement de leur secte ce precepte du sens. Que nous n'auons aucune veritable connoissance & bon vsage des choses naturelles que par l'experience, laquelle est seule capable de nous faire monter par vn long temps de l'effect à la recherche de la cause: induits à cette pensée par la remarque qu'ils ont faite, que toutes les descouuertes se sont rencontrees par hazard, ou par le tenter, ou en songe, ou par comparaison, ou par reuelation, ou par communication: & que l'experience est le principe & la meilleure conduitte de tous les Arts: Que c'est par elle que l'on se doit gouverner en la Medecine, soit imitant ce qui a succedé en semblable object, soit pour l'invention, comparant la chose à faire, à la faite, & soit transportant la chose connuë à la conjecture d'vne autre. Cette secte a esté assentie par Philinus, Serapion, les deux Apollonius pere & fils, par Glaucias, Menodotus, Sextus, Heraclides Tarentin, & beaucoup d'autres, au rapport de Galien. Mesmeson Maistre & concitoyen Aeschrion en estoit-il le surnommé vieillard, tres-experimenté és remedes, aussi a-t'il estimé que l'Empirie estoit le bras droict de la Medecine Rationnelle. L'on dict qu'Acron Agrigentin en fut l'inuenteur. Maintenant telle secte ne se trouve separée que parmy les gens sans let-

Les Methodics faisoient l'Art tres-brof comme de six mois, clair & facile, consistant seulement en deux communitez, Astriction & Fluxion, celle là vne suppression de ce qui se doit euacuer, & celle-cy vne euacua-

tion des choses qui doiuent estre retenuës, comme s'ils vouloient prendre leur fondement en la definition qu'Hypocrates donne à la Medecine, que ce n'est que substraction & addition: à ces deux premieres communitez absoluës, ils en adioustoient vne troisiesme mixte, comme la fluxion à l'œil, auec inflammation: parce que felon eux, l'inflammation est astriction & vne qualité chaloureuse retenue cotraire à la fluction, pour la quelle il faut vn differend remede. Mais lors qu'ils se rencontroient à tels maux, ils couroient au plus vrgent. Traittant d'ailleurs les malades sans considerer le temps, la region, le lieu du mal, sa cause, l'aage, les forces, la complexion & habitude du malade, & autres particularitez. necessaires: ils auoient seulement esgard aux accidens desquels ils prenoyent leurs indicatios. Et quoy que ces communitez n'ayent pas eu trop bon fondement, elles n'ont laissé d'estre embrassees, & d'auoir rencontré qui les a soustenues. Car des esprits faineants (or dinairement superbes) l'ont appuyée à cause de sa bresueté, tels qu'vn nommé Thessalus Tralianus, du temps de Neron, Menaseus, Proclus, & Antipater. En nos âges elle ne paroist point parmy nous, & semble estre du tout esteinte, sinon que la prattique Sanguinaire a beaucoup de ressemblance à cette secte Methodique, & l'imite bien fort. The william to proper hely sons &

L'es Dogmatiques & rationnels sont ainst nomez, parce que supposé leurs principes, ils procedent à la cure des maladies par ordre & raison. Ils commencent par la conoissance de leur sujet, le corps humain, soit en general ou par les parties : ils observent les symptomes , &

24 Aduis defensif du Fardin Royal cherchent les causes des maladies, puis considerent l'âge, le temps, les saisons, les mœurs, les forces, le manger & le boire, l'air & le lieu, & autres accidents; desquels rapportez à leur sujet ils prennét leurs indications; fondées sur cette generale maxime, que les contraires gueriffent les contraires. L'on donne, comme nous auons dit, le premier lieu de cette secte à Hypocrates, d'autant qu'auant luy la Medecine n'auoit tel ordre. Il a esté suiuy de Diocles, de Praxagoras, d'Herophile, d'Erafistrate, de Mnesitheus, d'Asclepiades, & de plusieurs autres. Six cens ans apres est suruenu Galien, que l'on tient auoir parfaict l'ouurage, ayant fidellement expliqué les lieux obscurs d'Hypocrates, & judicieusement suppleé aux obmissions, desorte qu'en la secte rationnelle il a obtenu le second lieu: voire quelques vns estimans son œuure acheuée, luy donnent le premier en excellence. Ensuitte de luy sont sortis Auicenne Arabe tres-grand Philosophe, Aretæus, Ruffus Ephesien, Oribase, Paul Æginete, Aëtius, Alexandre Trallien, Actuarius, & Nicolas Mirepse Grecs. Puis Corneille Celce & Scribon Largus, Latins. Tous ont puissamment trauaillé à l'enrichissement de cette secte; laquelle paroissoit lors auoir supedité les deux autres, excepté que pour se rendre plus puissante au sentiment mesme de Galien, elle a rangé à ses preceptes l'Empirie ou experience, sans laquelle elle ne seroit pas tant recomandable; parce qu'elle luy fournie de remedes les plus asseurez pour ses cures.

C'est le principal estat de la Medecine, iusques au debris de l'Empire Romain, & au temps de ces grandes inondations des Goths, Vuandales, Huns, & Alains, en-

niron

25

uiro l'an 400 de la naissance de lesus-Christ, qu'elle toba en vne profonde nuit. Non seulemet la Medecine sut delaissée, mais encoretoutes les autres sciéces: maintes bibliotecques cotenat divers volumes des professios furet bruslees, il resta si peu de vestiges des lettres par l'espace de plusieurs cétaines d'années, que iamais siecles ne furét plus ignorans. Ce peu qui se conserua demeura entre les mains des Moines, tant à cause qu'ils estoient les seuls lettrez, que parce qu'ils faisoient les Bibliotecques, y conservant les liures, lesquels aussi ils coppioient, soit volontairement ou par penitence que leur donnoient leurs superieurs, l'Imprimerie n'ayant paru en l'Europe que long temps apres. De sorte que depuis ce temps iufques à celuy de Charlemagne, il ne se remarque de grands hommes lettrez que des Moines: Mesme ce sut à la priere de son Maistre Alcuin Abbé de S. Martin de Tours que ce grand Roy institua l'Vniuersité de Paris. Seuls donc estimez Clercs, ils manioient les sciences; la Medecine estoit en leurs mains, on les nommoit Phisiciens, & alloit-on à eux pour predre aduis sur les infirmitez; estant reclus ils ne visitoient les malades; par le recit du mal, & voyant les vrines que l'on leur portoit, ils iugeoient de l'indisposition, & ordonnoient les remedes. Et parce qu'ils n'operoient de la main, ny ne preparoient les medicaments: pour l'vn ils appellerent à leur ayde les maistres des Estuues, & pour l'autre les Espiciers. Ainsi fut de ce temps la Medecine operatiue diuifee en trois, auant vn Medecin faifoit le tout si bon luy sembloit: tel a esté Galien. Estant de la maniere tombée en leur pouuoir, elle estoit prattiquée selon l'Autheur 26 Aduis defensif du Fardin Royal

qu'ils auoient, ou qui leur plaifoit le plus: ils n'estoient astrints ny obligez d'aucun serment, ny ne juroient aux paroles du Maistre, Docteurs par leur propre licence, ils disoient faire à l'exemple d'Hypocrates & de Galien qui ne furent oncques Docteurs de l'Escolle de Paris.

Quelque peu apres l'establissement des Vniuersitez, les sciences commencerent à sortir des cloistres, & la Medecine peu à peu retourna chez les seculiers; les Nobles y prirent part, leur santé les y conuioit, des riches bourgeois les suivirent: & des hommes vertueux la firent paroistre au iour. Principalement aux trois derniers de nos siecles, que Pierre Apponance, Arnauld de Villeneufue, Faloppe, Andernac, Vessale, Auger Ferier, Fernel, Ollier, & beaucoup d'autres firent voir leurs pensees, & les firent voir telles, que si leur louable desfein eust esté secondé de leurs suiuans, sans doute la Medecine seroit montee à vn grand degré de perfection. Mais comme les sciences estoient au chemin de leur gloire, lors qu'il n'y auoit que les belles ames qui les recherchoient, pour l'amour de la vertu: Aussi se sont-elles rencótrees dedans la fange, quand elles ont esté estallees à la veuë des courages vils & bas, & que les esprits pedans les ont gouspillees, en ayant pris l'entree par le bon marché que l'on a faict des lettres. Les Nobles fafchez de les voir prophanees par des mains roturieres, en curent vn grand degoust; cela n'a pas esté plustost conneu, que des hommes de Bouë se sont enhardis d'entrer dans leur sanctuaire, de les tirer aux cheueux, & de les rendre vilainemet mercenaires. La Medecine n'a point eschappé cette misere, elle a esté comme les autres Arts liberaux reduitte à vn sale mestier. Des pedants dont maintenant elle est miserablement souillee, non seulement ont commis ce facrilege, mais encore l'ont toute ruinee, de sorte qu'elle est ores en leurs mains le mestier le plus abiect de tous. Non contents d'estre coulpables de ces crimes, insupportablemet orgueilleux qu'ils sont d'auoir quitte le Riuet, ou le Rabot de leurs peres, & prochainement la Pedenterie leur premiere gloire qui ne les abandonne pourtat pas, remplis de sorte d'Enuie & de Mesdisance, que l'on ne sçauroit remarquer en eux aucun traict d'honneur ny de preudhommie, ils ne veulent souffrir que l'on redresse cette protectrice de la santé des hommes de son penchant, ny que l'on la retire de la cheute qu'ils luy preparét, introduisant vne nouuelle secte, come si c'estoit à euxseuls l'heritage. Ce n'est pas qu'il n'y ait encore des ames vertueuses, à qui ces fascheux accidents de la Medecine desplaisent, Mont-pellier en a fourny de tout temps, elles font pourtant en petit nombre au respect de celles de la secte sanguinaire; toutesfois assez pour faire voir que Dieun'est iusques à ce poinct irrité cotre l'humaine condition, qu'il veuille permettre qu'vn Art si digne perisse.

Or cette nouvelle secte qui manie la Medecine à la mode, à guise des habits, & qui l'a tant auilie, a pris son origine & sa naissance depuis 50 ans d'vn nomme Botal, dont les sectaires ont esté nommez Botalistes. Cet homme de sang n'a pas craint de dire, qu'il a conneu & secu certainement que la saignee est plus puissante en la Medecine, pour la cure de la pluspart des maladies, que tous les autres remedes ensemble. Et de mesme que les

Aduis defensif du Jardin Royal
Egyptiens pretendoient guerir toutes les maladies par
le feu, il asseure que de ceremede l'on doit guerir toutes les maladies, en tout temps, aage, & sexe. Cette opinion prouuee par diuers textes d'Hippocrates & de Galien, à qui ontord le nez, a tellement pleu aux faineants & paresseux, tant par sa facilité & bresueté, que parce que elle les exempte du trauail de la recherche; qu'ils ont laifsé,voire oublié tous les autres remedes pour s'arrester à ce destructeur de la vie; Ainsi les plantes ont esté delaissees, ainsi tout ce que l'antiquité a descouuert auec peine & labeur, & tous les fruicts de leurs descouuertes ont esté mesprisez pour espancher du sang. Erreur qu'ils ont mesme introduite en la pensee de ceux qui ne sçauent que c'est de l'Art, & la cherissent de telle sorte que si Dieu n'y met la main, il sera tres-difficile de les tirer du sang pour les remettre au bon sens. Practiquant de la maniere meritent-ils le nom de Rationels, que leur fert la connoissance de leur subject, de sçauoir son tempera ment, aage, sexe, mœurs, & luy rapporter le temps, le lieu, la saison, le boire & le manger, le veiller & le dormir, les agitations de l'esprit, & autres accidents, pour descendre des causes primitiues aux antecedentes, & de celles cy aux conioinctes, s'il ne faut que la saignee pour toutes maladies, personnes, aages, sexes, & en tout téps? N'est-ce pas estre methodique, & par deux communitez, euacuation & restablissement, qu'ils accomplissent, l'un par la saignee, & l'autre par la nourriture succulente qu'ils ordonnent à toutes heures à leurs malades, mefprisant tous les autres remedes que nous fournit l'amplitude de la Nature, comme les anciens methodics?

Cette grande playe en la Medecine la navrant presque iusques à la mort, a esté enuenimée par vn nombre innóbrable d'Alchimistes, chercheurs de pierre philofophale, vulgairement nommez fouffleurs & Empirics, differants pourtat de ces anciens Empirics qui par l'experience cherchoient les remedes en toute l'estenduë de la Nature: car ces derniers tirant leur nom du feu cómeles autres de l'observation, n'ont en recommandation que quatre Mineraux, soit cruds ou trauaillez par le feu, dont ils veulent extraire les remedes pour toutes les infirmitez du corps humain, le Soulfre, le vif Argent, le Vitriol, & l'Antimoine, aufquels ils donnent diuers visages & vsages, delaissant les vegetaux comme foibles & debils, ainsi qu'ils disent, pour la cure des indispolitions. Et quoy que ces remedes ayent beaucoup de deffaut, neantmoins quelques vns des plus hardis de la sectesanguinaire voulant faire vn peu dauantage que leurs compagnons, en empruntent la plus grande part. Car je îçay qu'il y en a qui vîent (mais en cachette) du Saffran des Metaux, qui n'est autre chose que Salpestre & Antimoine bruslez ensemble dans vn creuset, dont fort vne masse tannée, qui, reduitte en poudre, est iaune: d'où elle tire son nom de Saffran. D'autres vsent de precipite rouge, c'est du vifargent dissoult en eau de separation, duquel on a retiré l'eau par distillation, & le restant pressé par le feu, insques à ce qu'il ait acquis la couleur de soucy: d'autres vsent d'aigret de Soulfre, d'huile de Vitriol, de Sublimé dulcifié, & femblables, dont ils sçauent les proprietez & les vsages, également auec ceux desquels ils empruntent tels remeds. D iii

30 Aduis defensif du Fardin Royal

Ces souffleurs prennent pour patron vn Aleman, dit Paracelfe, dont auffi ils se font nommer Paracelfites, lequel premier (en ce qui nous paroift) s'est oppose à la Medecineancience, principalement aux aduis de Galien. Renuersant la Philosophie d'Aristote, & les preceptes des Grecs, il s'est trouué l'Autheur d'vne secte dont nos plus vieux deuanciers n'ouïrent onc ques parler. Presupposé ses principes, elle paroist auoir vne grãde suitte de raisons, & est plus hardie que toutes celles qui l'ont deuancée. Comme la Rationnelle, elle contéple son sujet en toute son estenduë: Mais elle asseure que l'homme & tous les corps mixtes naturels nesont composez des quatre Elemens, ains seulement, de sel d'huisse & de subtil, qu'elle nomme sel, soulfre & mercure, auec lesquels en la conformation des produtets se rencontrent les deux Elemens, la terre & l'eau, non comme necessaires aux composez, mais comme matrices messangées en toutes choses: D'autant qu'elles sont les deux generaux receptacles, tant des semences que des trois principes corporels, fel, foulphre & mercure, dont toutes choses sont faites. Elle nie que les quatre premieres qualitez soient effectrices & cause des effects naturels, simplement auouë-t'elle qu'elles sont instruments des formes: soustenant que les formes seules sont actiues, parce que d'elles procedent toutes les forces & vigueurs des generations & productions, donnat aux sujets qu'elles auiuent les qualitez, les quantitez, les conformations, les odeurs, les faueurs & les couleurs. Elle s'efforce de prouuer que les maladies principales & celles qui sont soubs leur genre, ont des semences qu'elles germét

des plantes Medecinales à Paris.

selon l'ordre de leurs saisons, si elles ne sont empeschées par des causes, retardant leur action. Et comme semences qu'il aduient souuent qu'elles se transplantent d'vn sujet en vn autre, ainsi la goutte est hereditaire: . & la lepre cotagieuse, ne nommant maladie les fractures & luxations. Elle se rit de cét axiome, que les contraires sont gueris par leurs contraires, disant au rebours que les semblables guerissent les semblables, mais en differente disposition, que si la maladie est en la matiere salée qu'il luy faut vn sel pour la guerir, comme au sel refoult, le sel coagulatif, ou desseichant. Le semblable à l'huilleuse & à la subtile. Elle estime que les essences des choses par la maniere qu'elle donne de les extraire, sont plus propres pour remedes contre les maladies fascheuses & rebelles ou astrales, ainsi qu'elle les nomme, que les grosses substances des corps, faisans trois especes generales de maladies par leurs causes: de Minerales, de Vegetales, & d'Animalles. Elle affirme que les Mineneraux contiennent les remedes des maladies Minerales, les Vegetaux des Vegetales, & les Animaux des Animales. Neantmoins que de quelques vns des Mineraux se peut tirer la Panace, le medicament vniuersel contre toutes les infirmitez, admettant par son moyen guerison à la lepre, à l'Epilepsie, à l'Hydropisie, à la goutte & à leurs annexes. Ainsi que la Rationnelle, elle s'efforce de connoistre son sujet, par la dissection, voire le renuiant sur celle là, elle le contemple par vne double anatomie, l'vne qu'elle nomme de vie; & l'autre de mort: celle là encore double; l'vne à la facon ordinaire, qu'elle nomme des parties, l'autre des substances, divisant les

parties en tres differentes substances, & selon l'analogie qu'elles ont à celles ausquelles elle les compare; s'efforçant par là de donner raison pour quoy le Cancer s'engendre plustostàsein & à la matrice qu'ailleurs, pourquoy le Noli-me-tangere, aux genciues & levres, qu'autre part, pour quoy telle maladie germe &vegete plustosticy que là? En l'anatomie de mort, elle cherche les causes & les semences des maladies. Elle considere encore entre les membres principaux, des liaisons, conuenances, accords, amitiez & discords, comme entre la Ratte & les Reins vne grade inimitié; entre la Ratte & la Matrice perpetuelle guerre, nommant la Ratte Saturne, & les Reins & aussi la Matrice Venus: elle donne pareilles rencontres à ces parties & femblables passions qu'aux Astres, sous lesquels elle les renge, voulant que si Saturne mal affecté influë en la Sphere de Venus, qu'il cause des incommoditez de sa nature, & ce, suiuant qu'il est puissant & elle debile, ou selon qu'elle est forte & qu'elle resiste à ses mauuaises impressions. Elle obserue au corps humain, les esprits naturels, vitaux & animaux & leurs facultez, fous vne mesme forme, à laquelle ces esprits & facultez sont instruments, donnat neantmoins à chacun sa verturapportée au mouuemet de l'astre qui le regit. En la cure des maladies, elle a esgard, aux temps & saisons, à l'âge & sexe, aux lieux & mœurs, à l'eau & l'air, au boire & manger, à l'agitation & repos, au veiller & dormir, aux excretions & retentions, & aux agitations de l'esprit, puis à l'espece de maladie. Elle assigne de particuliers emunctoires à la sueur que ses deuancieres n'ont point conneu; sçauoir à celle

qu'elle nomme excrementeuse le derriere des oreilles, sous les aisselles & aux aisnes, parties glanduleuses, nommant l'autre simptomatique, & soustient que les maladies sont substances; s'efforçant de le demonstrer. Elle met en la Medecine trois parties ou intentions, la curatiue, la dessensue, & la vie prolongatiue, lesquelles doiuent estre sont sur ces quatre colomnes, Philosophie, Chimie, Astronomie & Vertu, ou Preud'hommie, desniant absolument le nom de Medecin, à celuy qui ne les possedera, se gouvernant au reste, totallemet aucc raison & iugement, selon toutes ses maximes &

autres qui restent à dire.

Cette secte ainsi estenduë a esté estimée de plusieurs grands personnages. Entre les Septentrionaux & Alemans, de Gerard Dorne, de Crollius, de Schemanus, de Libauius, de Henry Nolle, de Rulandus, de Iean du Rein, & de Pierre Seuerin de Dannemarc, qui auoit commencé à luy donner vn grand ordre. Entre les François, feu le sieur de la Riuiere ne l'a desprisée, il. a estésuiuy de Ioseph du Chesne, d'Haruet, de Baucinel, de Claude Dariot, de Mayerne, & de plusieurs autres encores viuans: & depuis que la Medecine a esté donnée aux hommes, il n'y a point eu de si puissante secte. Quelques vns de la Galenique l'on Evoulu conshier à la leur, comme Daniel Sennerte, mais il semble que preoccupé de l'un il n'a pas bien entendu l'autre, n'ayant fait qu'effleurer. Ceux qui la professent ont cét aduantage (qu'encore qu'ils proposent vne nouueauté) que bien demonstrée, elle ne cotrarie point à la loy de Dieu, ny aux commandemens de nostre Mere sain cte Eglise, que plustost elle y est plus coforme que les autres sectes,

E

ny que les opinions d'Aristote. Comme elle pretenden sa persection estre tres rationnelle, elle deteste aussi les empiriques qui se qualifient d'elle, tels que ceux que nous auons cy-dessus nommez, qui n'ont pour remedes que les Mineraux non plus que les autres, que la saignée & le senné, & de parfaicts de telle secte il y en a trespetit nombre.

Voyla le commencement, progrés & estat de la Medecine iusques à nous, d'où l'on peut ores puiser les vrayes causes pourquoy tat de maladies comunes & ordinaires demeurent sans remedes auec les plantes: & ce que nous representons à ceux qui nous sont l'objection.

Que si quelque critique opiniastre, dict encore pressé de despit, que ce n'est pas d'vn Iardin des Plantes Medecinales, ny de la culture de ses parterres, d'où doit sortir le restablissement de la Medecine contre tant de fectes. Ie luy reparts que le Iardin Royal que je poursuis contenant les plus seurs instruments de la guerissante, fur lesquels on estudiera, sera aussi la meilleure piece de cette intétion. Peut-on ignorer que les plates ne soiét en la Medecine, ce que les estoffes sont aux autres arts ? sans matiere non plus qu'eux, elle n'en sçauroit ouurer, tous les preceptes des vieux & nouueaux Docteurs, quelques excellents & scientifiques qu'ils puissent estre, sont autant inutils sans les Plantes, que les reigles des autres Arts sans materiaux: En vain diroit-on que les contraires guerissent les contraires, ou les semblables les semblables, files vegetaux accommodezà ces axiomes n'en monstroient l'effect. Car que seroit ce de la Medecine sans les Plantes? que seruiroit la connoissance des maladies, de leurs causes & accidents sans remedes? les scien-

ces sont vaines qui n'ont point d'application; & les Arts tres-inutils qui ne rendent aucun ouurage. Il faudroit estre de l'opinion de Platon pour les estimer & auoir l'esprit remply d'idées pour ne cherir que la contemplation. Tous ceux des siecles qui l'ont suiuy, n'ont pas blasmé comme luy Archimede d'auoir mis en prattique ses belles conceptions, & qu'vne main crasseuse & mercenaire ait eu Pvfage de ses rares inuentions. Les plus sains esprits de nos aages, asseurent que toutes les sciences doiuent suiure la codition des causes dont elles prénent le nom, qu'elles doiuent tendre à quelque action vtile, autrement qu'elles sont de pures mocqueries. Si la Medecine estoit seulement contemplatiue, elle n'apporteroit non plus de fruict à la Nature humaine que la recherche de la quadrature, du cercle, ou que la commune mesure du diametre, du quarré à son costé. Mais de toute autre intention que ces creuses imaginations, apres auoir curieusement discouru des maladiesselle enseigne la maniere de les guerir, & propose les remedes; voire elle les prepare, monstrant toute glorieuse par tels ouurages que ces Theoremes sont vrays.

Pour cette cause les premiers Medecins reconnoissans que les Plantes estoient les principaux instruments de leur Art, tant pour conserver la santé presente, la continuer, que pour r'appeller l'absente, se sont essent et s'instruire de leurs vertus par les premieres, secondes & troisses qualitez; des vnes par les sens, s'ils y peuvent quelques choses, & de la derniere par s'experience. Mais encore qu'ils se soient de long temps occupez à cette tasche, si ne l'ont-ils sinie; & cela pour deux causes. La premiere, parce que les premieres & secondes qualitez.

ne descouurent pas quelles sont les troisiesmes qui releuent, au rapport de Galien, de la proprieté de toute la substance; les sens sont moussez à telle descouverte. La seule experience y peut satisfaire. C'est elle qui a descouuert que le Frangula & la grande Patience purgent la 🤫 colere aussi bien que la Rhubarbe, que le Baguenaudier & l'Elebore noire purgent la melancholie, autant que le Senné, le Nerprun & le Turbit, le Flegme; de mesme que les Hermodates. L'autre, que l'on s'est trop amusé à ce peu qu'en ont connu les anciens, sans passer plus outre, & bastir vn nouueau Temple à Æsculape, pour receuoir les iournelles experiences d'vn chacun, afin que recueillies par quelque vertueux & docte Medecin, elles sussent meurement considerées & puis enseignées pour la commune vtilité. Car la vie estant courte, l'Art long, l'experience perilleuse, & l'occasion pressante: vne seule main ne peut suffire à tel ouurage. Mais plusieurs employez à ce dessein, eussent d'vne douce façon essayé ce que les deuanciers ont oublié. Que sçait-on si tant de racines, tiges, escorces, seuilles, sleurs, fruicts, femences, gommes, larmes, & fucs, inconneus de vertu ne contiennent point les remedes des plus fascheuses maladies. Dieu & la Nature ne font aucune chose inutilement. A l'aduenture la goutte rencontreroit-elle quelque remede. L'Epilepfie seroit-elle allegée; la lepre guerie, & l'Hydropisse desseichée. Maintes herbes portent le tiltre de la cure de tels maux dedans leurs histoires, que personne n'essaye. Est-ce pas vne grande lascheté que de tant de Plates dont nous auons la description, l'onne se sert pas de la centiesme partie, encore tres-chetiuement: Mesme de celles qui croissent parmy nous &

de nos domestiques. Il n'y en a pas la vingtiesme partie en vsage, sinon, comme nous auons dit, parmy les villageois qui en connoissent beaucoup, desquelles ils se seruent auec bon succés, & quelquesois à la honte du docte Medecin, qui n'aura peu guerir vne insirmité, dont ils viendront à bout.

A ces deux inconueniens deux autres ont succedé : le discord des Autheurs traittant de ce sujet, & la negligence des professions de la Medecine. Les vns ont nommé & figuré vne plante diuersement: les autres en disputent les qualitez & proprietez : de sorte que l'on a beaucoup de peine à sortir de telles difficultez. Mathiole commentateur de Dioscoride, ne s'accorde pas auec les Moines, ny auec Fusch, & les autres encore neconuiennent pas tousiours entr'eux, & souvent discordent de Pline & de Theophraste, & pour la diuersité des descriptions, il arriue de grandes erreurs en la composition des remedes: Car ne trouuans ce que les anciens enseignent, l'on prend des substitues: Mais les compositions changées par tels ingrediens, ne respondent aux promesses de leurs Autheurs, ny à l'esperance que l'on en attend.

Quant à la non-chalance de plusieurs, & à l'opinia-streté des autres, principalement des sanguinaires, elle est telle que si bien tost il n'y est pourueu, la Medecine s'en va au neant, ceux là se contentent de ce qu'ils ont trouué en l'Art, voire delaissent plusieurs excellens remedes des vieux Docteurs, & ceux-cy veulét guerir toutes les infirmitez par la saignée, & auec le Senné, rapportant tous les preceptes de la Medecine à l'vsage de ces deux remedes, ou tout au plus ceux qu'enseigne le do-

Ete Medecin vulgaire, abusant du nom de Charitable, sans se soucier de taire iniure à Galien, à Mesué, à Dioscoride, & à toute la troupe des plus iudicieux esprits du vieil temps; qui nous ont escript de cette matiere, & de la nature des Animaux, des Vegetaux, & des Mineraux, 🤝 pour y puiser des remedes. Car si la saignée & le Senné peuuent remedier à toutes les maladies du corps humain, Galien & ceux qui l'ont suiuy à l'enseignement de si grand nombre de medicaments estoient d'insignes. imposteurs. Il n'auroit pas esté seulement inutil à Galien de nous escrire de gros volumes des simples medicaments, & des composez selon les lieux, voire de nous porter à amplifier l'Art par nos trauaux & recherches: Mais encore plus à ceux qui les croyent sans fruict, d'enfaire apprentissage; mesme de le nommer Empereur de laMedecine, & l'estimer de cette part vn Charlatan: Ou s'il a obey au bon Genie de la Medecine, c'est vne temeraire malice, ou vne crasse ignorance à ceux qui se surnomment de luy, de mespriser les Plantes : c'est faire à guise des vendeurs du pied d'Elan, qui en font parade & n'en vsent pas, & comme les mauuais ouuriers qui n'ont que deux outils pour leur Art, où il en faudroit mille. La Medecine operatiue n'est pas comme les autres Arts qui terminez ont vn certain nombre d'outils: les siens sont sans nombre, suiuat les innombrables causes des maladies, & de leurs diuers accidens: Car encor que Galien ait dresséses Theoresmes à la façon des Mathematiciens, pour en mieux & plus facilement tirer ses conclusions; que les causes internes des infirmitez soient seulement plethorie, inanition, ou cacochimie, que le sang, ja pituite, & l'vne & l'autre bile, en leur deffaut,

abondance ou deprauation, soient tousiours les causes antecedentes des indispositions du corps de l'homme, soit que l'on regarde les qualitez, soit que l'on ait esgard à la substance morbifique, si faut-il plus que ces deux remedes; qu'ils disent auec Hippocrates que la Medecine n'est qu'addition & substraction, & auec les Methodics anciens qu'ils imitent du tout comme nous auons monstré, qu'il ne faut qu'astriction & relaxation, & que cét Art n'a que ces deux intétions ou communitez: ils seront dementis de luy au liure de l'Art, où il asseure que les medicaments las chants & resserrans ne font fuffifans au recouurement de la fanté, qu'il faut bien d'autres remedes pour rédre l'Art recommendable que la saignée & le senné: Aussi Galien, Auicenne, Aece, Oribase & les autres, tant Hebreux, Arabes, Grecs que Latins nous proposent infinis moyens pour paruenir à ces deux intentions, iusques à nous descrire des compositions appropriées aux maladies & aux parties : De là viennent ces noms, Cephalic, Pectoral, Bechique, Cardiaque, Alexitaire, Hepatique, Historique & autres. En quoy paroist que la prattique de la Medecine, differente de tous les autres Arts, doit auoir vn tres-grand nombre d'outils, & si besoin est en inuenter tous les iours, pour les nouvelles maladies naissantes par chasque reuolution de fiecle. Et tiens que c'est vne grande honte à vn Art si diuin, agissant par contingence de nobrer tant de maladies incurables, comme ores l'on fait. Car il est à presumer que sondé sur la Nature qu'il n'est pas vain, & n'est pas à croire que cette mere de l'vniuers soit maratre iusques à ce poinct, de nous affliger, ou elle mesme estre affligée en nous, sans nous secourir ou estre secourue par

40 Aduis defensif du Jardin Royal nombre de bons & facils medicaméts qu'elle contient: Mais que nous ignorons & que nostre nonchaláce nous cache. Lascience, dit Aristote, s'apprend des contraires. La Vertu est conneuë par le vice, la Prudence par la folie & la fanté par la Maladie. Or la fanté fe doit procurer par des moyens contraires aux causes & aux accidents des indispositions, & ces moyens doiuent estre en Nature, comme il est necessaire par la raison des contraires, & d'elle en l'Art d'où il s'ensuit qu'ils sont seulement inconcus, & pour en jouyr qu'il les faut chercher, & où plus prochainemet & plus seuremet qu'es Plates?


Pour fermer donc ce discours en la faueur des Plantes & pour la verité: j'offre de monstrer publiquement que quiconque pretendra exercer l'Art de la Medecine sans la connoissance & l'vsage des Vegetaux (je dis de tous ceux que nos campagnes nous fournissent,) que c'est vn trompeur, qu'ilse mocque des dons de Dieu, & mesprise ses diuines graces. Et que tant de pretendus doctes & scientifiques discours, & toute la pedenterie, sans l'application & les effects des Plantes, sont pures tromperies dont se seruent ceux que l'orgueil, la paresse & l'enuie entraisnent au mespris des autres: voulant payer le monde de cette fauce monnoye. Que leurs erreurs delcouuertes & combatuës par raison & par vne tres-sensible experience, doiuent estre redressez par nostre trauail: A fin que Dieu benissant le tout, esleue nostre Edifice à sa gloite & au bien de ses creatures, principalement des pauures, y trouuant les remedes à leurs infirmitez.



ORDRE DV DESSEIN

DV IARDIN ROYAL DES PLAN-

TES MEDECINALES.



Cette situation est ainsi choisse afin que les vapeurs des cloaques, & les sumees des cheminées ne dérobet la ro-

fee aux Plantes, leur meilleur viure.

Ce lieu doit est enclos de muraille, de neuf à dix pieds durez de chausse foubschaperon, auec chesnes de pierre de taille de neuf pieds en neuf pieds, qui monteront pour les cinquate arpens à deux mille toises ou enuiron.

Au milieu du Iardin il faut esseuer vne motte de sept à huist toises de haut, en quatre à sinq arpents d'assistte; laquelle sera couppée du coste du Midy, en forme de croissant, pour planter à l'orée de cet aspect les Plătes qui demandent le chaud, & en son sommet celles qui cherissent le haut: du Leuant vers le Septentrion au couchant, elle se formera en douce pente, ayant à ses deux costez deux bocages d'vn arpent chacun; s'vn de haute sustaye, & l'autre taillis, pour les arbres & les herbes qui ayment l'ombre & le frais.

Et pource qu'il cousteroit trop à porter des terres pour esleuer vne telle motte, asin de faire d'vne pierre deux coups il faudra bastir des voultes qui seruiront de serre, pour les Plantes qui craingnét le froid, lesquelles voultes serontesseuses à vn ou deux estages, selon la hauteur requise: par dessus s'on portera des terres de diuerses conditions, selon la nature des Plantes que l'on y

voudra planter.

Les Plantes qui ont le pied en pleine terre profitent mille fois mieux que celles qui sont dedans des quaisses il faut faire vne charpente qui se pose & se leue toutesfois & quantes que l'on voudra, pour couurir en Hyuer, le parterre qui sera en la demy-lune de l'ouuerture de la motte, où seront les Plantes estrangeres du Midy, les plus robustes, qui craignent le froid: car par ce moyen nous pouuons auoir des Orangers & Citronniers grads comme nos Pommiers, & autres Plantes rares & belles.

Les Parterres contenans les Plantes rates, doiuent estre environnez de balustres faicts de fer, pour la durce & bonté afin d'empescher que les indiscrets ne les cueillent, estant du tout impossible que l'on n'ouure la porte à beaucoup de monde peu respectueux.

Le Parterre du Roy doit estre clos de mesme sorte, car estant planté d'arbrisseaux toussours verds, & y ayat continuellemet dedans ses quarreaux des sleurs, en quelque saison que ce soit, mesme sous la neige en son temps,

des plantes Medecinales à Paris.

ceux qui y entreroient ne se pourroient empescher d'en cueillir. Ces Parterres auront vn arpent ou cinq quartiers d'estendue chacun.

Les autres Parterres seront fermez de hayes saites de plusieurs arbrisseaux, & de perches pour les lier ensemble, ainsi qu'en plusieurs endroicts du Iardin Royal des Tuilleries.

Il faut auoir plusieurs grandes quaisses roullates pour les Plantes foibles & delicates des pays chauds qui craignent le froid des moindres rosees, pour les serrer l'Hy-

uer dedans les serres.

Que si l'on ne peut auoir des caux de fontaines, il sera besoin de faire des pompes, lesquelles portant l'eau loing & haut, mesme iusques sur la motte, où sera vn grand reservoir, afin de lascher les eaux peu à peu, pour faire come de petits ruisseaux qui serviront à arrouser les Plantes, & à en planter le long de leurs bords.

De là, s'il est besoin & plus propre, l'on pourra tirer des tuyaux qui la porteront par tout le Iardin, & la seront jalir en plusieurs endroicts pour l'vsage & pour la

decoration.

Sera tres à propos, aux lieux ombreux de nostre motte, de saire des grottes pour y planter de toutes les sortes de capilaires, & que de leur creux ruissellent des eaux pour les tenir fraischement, ainsi que sontaines naturelles, autat vtiles pour ce dessein, que plaisantes pour l'œil.

Il faudratenir en labour de charuë trois ou quatre arpents de terre, pour y semer le Panis, le Mil, le Ris, les Nigelles & les autres grains qui ayment cette sorte de

culture.

Il y conuient aussi auoir trois ou quatre arpens de

Bi

pré, enuironnez de diuers Saules, où toutes les caux & esgoutstant de la motte que de tout le Iardin, se viendront rendre dedans des canaux & mares creuses à ce dessein, & pour les Plantes qui ayment le frais & les eaux.

Les Parterres du Iardin dressez, il convient recouurer le plus de Plantes que l'on pourra, tant arbres, arbrisseaux & herbes pour les enrichir, qu'il faut chercher non seulement dedans la campage, sur les montagnes, és marais, & autres lieux, mais encore dedans les jardins, pour les domestiques.

Pour les chercher, il conuient employer six hommes, voire dauantage, vacquans par la campagne & aux prouinces estrangeres, ausquels il conuient donner gages.

Et pour cultiuer les Parterres de ce Iardin, & faire les ouurages requis à fon entretien, plusieurs hommes seront necessaires, du moins six, aux faisons les plus mortes, & aux autres selon la necessité de la besongne.

A ce nombre d'hommes ordinaires & domestiques, conviendra ioindre le service de plusieurs cheuaux pour les tombereaux & charettes servans à porter la terre & le sumier par le Iardin, & pour nombre d'autres ouvra

ges difficils à exprimer.

Et puis voulant tenir des eaux distilées des Plantes, des sucs, des essences & des sels, selon le memoire cyapres, & detoutes les Plantes, & de leurs parties: Il est necessaire d'auoir quelqu'vn qui les cueille en temps & âge conuenable les face seicher & les serrer pour les garder, asin d'en secourir ceux qui en auront besoin.

Ce Iardin doit estre accompagné de ses bastimens dignes de l'œuure Royale, ils ne peuvent moins auoir que vingt quatre toiles de face, comprenat deux grands pauillons où feront les logemens du Maistre & de ses domestiques, accouplez d'vn grand corps d'hostel, auquel seront les sales à faire les leçons: aux costez des pauillons seront les escuries, & sur le deuant pour faire le quarré, deux petits pauillons pour le logement des hommes de la campagne

A l'vn des pauillons entrant dedans le Iardin, sera attaché vne grande galerie de cinquante toises de long, sur quatre de large, & six de haut, ayant au bout vn pauillon: le bas de la galerie seruira à la distillation des Plantes, & le haut pour les conseruer seiches, & leurs parties; laquelle doit estre garnie d'armoires pour les

mieux garder.

Le plan que je donne represente en partie ce que desfus, son estenduë quarrée est de cinquante arpens.

A & B font les deux pauillons, au milieu desquels, & pour les accoupler, est le corps d'hostel: contenant les salles pour faire les leçons.

A A Bassecourt pour les escuries.

B B Pour serrer les tombereaux & charettes.

CC Les petits pauillons pour le logement des estrangers.

D La galerie de cinquante toises de long, sur quatre

de large, & six de haut.

E Pauillon au bout de la gallerie, pour loger les ouuriers seruans aux distillations.

F Parterre du Roy.

GGGG Diuers Parterres du nom de plusieurs personnes Celebres: le premier contenant plusieurs Plantes rares, sera nommé le Parterre du Roy; & les 46 Oadre du dessein du fardin Royal des Pl. Med. autres selon qu'il conviendra.

N Vn Pré & Saulsaye.

O Vn Marest.

La Montagnette & son ouuerture paroissent assez

sans les marquer.

Les autres ouurages se peuvent aussi facilement conceuoir: le tout sera faict en la meilleure disposition possible; asseurant qu'ils y rencontrera plus de gentillesse que l'on n'en sçauroit descrire.



